

Kort prosjekttale investeringsplan 2018-2021 – opplæringssektoren

1 Nybygg og oppgradering av eksisterande bygningsmasse

- a) *Sogndal vidaregåande skule – avd Kaupanger*
Eksisterande lokalitetar på Kaupanger til programområda anleggsteknikk og transport og logistikk ved Sogndal vidaregåande skule er ikkje tilfredsstillande. I dag er dette lokalisert på to stader som uansett vil krevje oppgradering og investering. Det er utarbeida eit mulegheitsstudie for å samle aktiviteten og bygge nytt til dette føremålet.
- b) *Mo og Øyrane vidaregåande skule - internat, mellomfløy og kantinebygg på Mo*
Treng fullstendig teknisk rehabilitering då desse bygga er frå 1969. Bygga har hatt eit relativt bra vedlikehald, men teknisk er anlegga for sanitær, ventilasjon og varme heilt nedslite. Det trengst ei vurdering av energiltak og på det tryggleiksmessige, ei oppgradering av el. og brannalarmanlegga. Vidare må betra universell utforming vurderast i tillegg til generell oppussing av overflater, kjøkken, matsal, internatromma, etc. Dette er eit relativt stort prosjekt, men prosjektvurdering er ikkje gjennomført.
- c) *Sogn jord- og hagebruksskule – fjøsbygg /ysteri*
Det er knytt nokre bygningsmessige utfordringar til fjøsbygget ved Sogn jord- og hagebruksskule. Dette gjeld i første rekkje ysteridelen, men kan og på litt lengre sikt utfordre ombyggingar i høve eventuell framtidig lausdrift.

Det er utarbeidd forprosjekt for ysteriet. Skulen har motteke gåve frå Aurland Sparebank på 1 mill. kr til prosjektet. Totale prosjektkostnader er venteleg i storleiksorden 5-7 mill. kr.

- d) *Dale vidaregåande skule – verkstadbygget*
Verkstadbygget, frå 1982, er det eldste bygget ved skulen. Bygget ber sterkt preg av god og effektiv bruk, men er svært slite både teknisk og på overflater. Sjølve konstruksjonar og fasade er av betongelement, men øvrige bygningselement som t.d. vindu, dørar, tekniske anlegg, etc må skiftast. Det er ikkje gjort nærare utgreiningar i saka.
- e) *Firda vidaregåande skule- fløy D – aula*
Det er gjennomført fleire oppgraderingar på Firda vidaregåande skule, men i den eine delen av bygningsmassen, Fløy D – Aulabygget/fellesareal, er ikkje gjort vesentlege tiltak. Bygget er frå 1974 og treng generell teknisk oppgradering og oppussing av overflater. Det må føretakast ei detaljert tilstandsvurdering før omfang kan kalkulerast.
- f) *Årdal vidaregåande skule*
I eit langtidsperspektiv må rehabilitering av Årdal vidaregåande skule vurderast. Bygga er frå 1981. Bygga er godt vedlikehaldne og vi driv gradvis rehabilitering av teknisk anlegg. Bygga treng likevel ei oppgradering og rehabilitering av bygningskropp og uteanlegg. Nye og betre energiløysingar må og takast med i desse vurderingane.

2 Utviklingsprosjekt

- a) *Samanslåing av dei vidaregåande skulane i Førde og evt. samlokalisering med Fagskulen i Sogn og Fjordane*
Gjeld ei eventuell samanslåing av Mo og Øyrane vidaregåande skule og Hafstad vidaregåande skule til ein felles ny vidaregåande skule i Førde (fysisk samanslåing gjeld ikkje avd. Mo) og samlokalisering med fagskulen, jf. notat til FU 22.06.16.

Dei vidaregåande skulane i Førde er i dag etablert på fleire stader. Fylkeskommunen har eigne bygg/eigedomar på Hafstad, på Øyrane og på Mo. I tillegg har fylkeskommunen leigeavtalar i

Concordbygget, Begobygget, Førdehuset og på Sanderplassen (Fagskulen som frå 01.01.2018 flyttar til leigeareal i Concordbygget). Dei mange leigeavtalane fylkeskommunen har i dag bør reduserast og løysast i eigne areal slik at sambruk og ressursutnytting blir betre (vurdering av eige vs. leige).

Ei samling av den vidaregåande opplæringa på ein plass i Førde vil kunne gje store positive effektar for den fagleg-pedagogiske drifta. Det vil særleg kunne vere positivt for elevgruppa å bli samla i eitt miljø.

Arbeidet pågår gjennom tre delområde; reguleringsprosess Indre Øyrane, eit ev. sal av Hafstad vidaregåande skule og internt programarbeid, jf. notat til FU 23.11.16. Fylkesrådmannen la fram notat for FU om status for arbeidet 03.05.17. Nytt notat med oppfølging vert lagt fram for HO 30.05.17 og FU 31.05.17.

b) Mo og Øyrane vidaregåande skule - ridehall på Mo

Pågåande sak som har vore handsama fleire gonger utan vedtak om oppstart. Hovudutval for opplæring bad våren 2016 om at saka vart fremja på nytt. Fylkesrådmannen la fram notat til HO på møte 29.03.17 (HO-sak 3/17 Skriv og meldingar). HO gjorde slikt vedtak i saka:

1. Ridehall - Mo og Øyrane vidaregåande skule

Hovudutval for opplæring viser til notat frå fylkesrådmann til hovudutval for opplæring datert 15.3.2017.

Notatet viser 3 alternativ for mogeleg realisering av ridehall ved Mo og Øyrane vgs. Landbruksnæringa og næringsaktivitet med utspring i og frå landbruket er svært viktig for Sogn og Fjordane. Mo og Øyrane vgs har som utdanningsarena for naturbruk ei viktig rolle for rekruttering til desse næringane.

Hovudutvalet meiner realisering av ein ridehall ved skulen vil sikre breidde og mangfold, og gje eit styrka utdanningstilbod ved skulen, og ynskjer med det at ein ridehall ved skulen vert realisert. Hovudutvalet er samd med fylkesrådmann sin konklusjon om at dersom ein ridehall ved skulen ska l realisera, er alternativ A komplett utbygging det beste alternativet.

Hovudutval for opplæring oversender difor notatet frå fylkesrådmann til finansutvalet, og ber om at det vert teke opp til vurdering i budsjett / økonomiplanhandsaminga.

Investeringskostnad for prosjektet er rekna til mellom 17,6 mill. kr (alt A) og 6,0 mill. kr (alt. C). Prosjektet vert delfinansiert med mva-refusjon og spelemidlar.

c) Maritim avdeling i Måløy, D-fløy

Dette gjeld utviding av kontorareal, fellesareal og nokre ombyggingar for fagskulen som i dag er ein stor brukar av bygget. Det er òg kome innspel frå nærings- og kulturavdelinga, datert 01.11.16, der det vert peika på behovet for sjønære areal for den vidaregåande skulen.

Det er eit ønskje frå næringslivet å ha ei tyngre satsing på den maritime delen av skulen, herunder også fagskulen. I tillegg ønskjer fylkesdirektøren å undersøke behov og moglegheiter for ei satsing på plast- og komposittfaget.

d) Vitensenter på Kaupanger

Næringslivet har initiert eit prosjekt med Vitensenter på fylkeskommunen si tomt på Kaupanger. Forprosjektplan er utarbeida, forprosjekt er venteleg klart i løpet av 2017. Fylkeskommunen er representert i styringsgruppa og referansegruppa, jf. notat til FU 25.01.17. Førrelse vurderingar er at dette kan vere eit positivt prosjekt, men med avgrensa verdi som utviklingsprosjekt for den vidaregåande opplæringa.

e) Energisatsing Eid vidaregåande skule

Skulen har i dag knappheit på areal. Som følgje av dette er satsingane knytt til velferdsteknologi og energi delvis flytta til garasjeareal som ikkje i dag er eigna til slikt føremål. Med dette som bakgrunn ønskjer fylkesdirektøren å sjå på den samla arealbruken på Eid vidaregåande skule.

3 Eige versus leige av bygg

a) Flora vidaregåande skule - Flora idrettsenter

Flora vidaregåande skule leiger i dag store deler av Flora idrettsenter til undervisning kroppsøving/idrett på dagtid. Skulen opplever at det i periodar er relativt store driftsutfordringar knytt til dette leigetilhøvet. Eksisterande leigeavtale skal reforhandlast no, og det er krav frå utleigar om ei vesentleg auke i leige. Det er behov for nærare utgreiing av framtidige eigar- og driftsmodellar.